

M156: Millstätter Physiologus

- 0,1 I[r] [fult] [an] *difen stunden*. von wifes mannes *m[unde]*.
 0,2 [ei]n[e] [red]e *fū* [ch]e[n]· an difem bûche.
 0,3 *phif*[iologuf] [ift] [ez] [genennet][.] von der tiere nature [ez] [unf]
 [zellet][.]
 0,4 [I][ft] [ez] [iuwer] [wille][.] so fwiget uil stille.
 0,1 ditzze bûch wil unf chunt tûn. unde zellen [gro]zzen wiftûm.
 0,2 uon tieren unde uon uogelen. allerfte uon dem Lewen.
 0,3 wie fin *nature* unde fin leben. an im fint *gelegen*.
 0,1 do der gûte Jacob· fin[e] fu[n] gefegenot.
 0,2 unde figewiht. uon der gotes *bihte*.
 0,3 do sprach er uil hewen “welf des Lewen
 0,4 bistu Juda reche. nu wer fol erwechen
 0,5 uon dinem geflæhte einen man.ʳ ane got.ʳ nieman.”
 0,1 Von dem Lewen zellent div bûch rehte. wie er habe drier nature *flabte*.
 0,2 daz erft ist so er indem gebirge *get*. ode indem *tieffin* walde stet.
 0,3 so in die *iægere* danne iagent. ob im zeder *nasen* der stanch chumet.
 0,4 so uertiliget er daz spor mit dem zagele. daz *man* in iht uahe an dem *geiaide*
 0,1 S[a]m tet [unser] *herre*. chrift der heilige.
 0,2 der der Lewe *gebeizzen* *ift*. uon dem *chunne* dauidis.
 0,3 do er uon fine[f] uater erbarmede. her chom in erde.
 0,4 do bedahtte er *ger*[ei]te. der uinstern spor mit finer gotheite.
 0,5 ich *meine* do er chom in den bûsem der maged[e][.] do *geheilt* er
mennischlich chunne.
 0,1 do warde er *mennisch* also w[ir] [mit] [u]leifke er bōwot in unf *mit* dem
 heiligen *geif*te.
 0,2 da [uon] [ift] [er] chunich *aller* chunige. herfschaft aller [tugen]d[e][.]
 0,1 So der Lewe *flæffet*. [finiv] [ögen] [er] [haltit] [offen][.]
 0,2 daz schu[len] [wir] f[ûchen]. g[efchriben] [an] [de]n [bûchen]
 0,3 “Ich flief [ge]note. min *be*[rzze] w[achote][.]”
 0,4 [uon] *div* bez[eichent] [er][.] den heiligen chrift got her.
 0,5 wande er indem uleifche entflief. *div* gotheit inanrief.
 0,6 do erwachot er aber. zeder zefwe finel uater.
 0,7 also geschriben ist· “stāde ôf min ere du bist. Got
 0,8 den entflafrot niht. wande er ifrahel behûtet unde fihet.”
 0,1 So ist div dritte nature fin· fwenne *div* Lewin·
 0,2 daz welf totiz erwirfet. dar zû sich *div* mûtir rihtet·
 0,3 fihûtet fin dri tage. unzdaz der uater chumet dare.
 0,4 so blæfet [er] undir daz ant-luzze der iungen. lebentich werdent si an den
 stunden.

- 0,1 Sam tet der almæhtige got finem fun· def dritten tages erchuchet er in urû·
 0,2 uon dem tode ȝz dem grabe. Jacoben hort ir vor fagen.
 0,3 “fo der Lewe unde def Lewen chint welf rawot. wer fol in wechen an got.”
 0,1 dar nach heizzet ein tier panthere. mit mißli uarwe.
 0,2 fchone ist ez genûch· dar zû listich unde gefûch·
 0,3 Von dem tiere man lifet· dem drachen ist ez uient swa ez insihet.
 0,1 So daz selbe tier sich schiere. sich hat gefattet uon den tieren.
 0,2 dei ez chan uahen wol. fo leget ez sich in sin hol.
 0,3 dri tage ez flæffet. fo ez danne ȝf stet.
 0,4 fo rohot iz stanche. uon im chumet solich smache
 0,5 daz niht im gelichif· inder werlde sūzze ist.
 0,1 So danne div tier dei alumbe sint. sine stimme gehorint.
 0,2 fo famenent sich dar nach. zedem sūzzem sma=che ist in gach·
 0,3 dem tiere si uolgint· swa ez hin oder her ferit·
 0,1 der trache fo er sine stimme gehoret. in finem loche er sich birget·
 0,2 daz er niht uernemen mege. sine stimme an dem wege.
 0,3 dei andiriv t[i]er fo minnot· fo liget er sam er si tot·
 0,1 Also tet der heilige christ. der er wariv panthe ra ist·
 0,2 do er gefach daz mennischlich chunne. mit dem tieuil bedwngen·
 0,3 uon himil für er gereite. mit finer mennischeite.
 0,4 er loft uns mit finem sūzzem smach· unde zuht uns ȝz def tieuils fach·
 0,5 uon div uolgen wir dem lambe. hie unde allenthalben·
 0,6 swa wir indem land[e] u[a]ren· Also lerent uns die uorsagen.
 0,7 “Dem panthera ich gelich bin· und dem hiwisch Effraim.
 0,8 gelich bin ich da· dem hiwische Juda.”
 0,1 damit bezeichnot er do Effraim dienot den Apgotern.
 0,2 daz [būzzot] got a[n] [im][.] alf er uerdient het umbe in.
 0,1 Mit *wistūm* ersch[inet] got gūt· wan er ist durnæht unde [urūt][.]
 0,2 *Ein*[faltich] unde Mitwære. Genadich. ueste. un[de] Gew[ære][.]
 0,1 dauid sprichet dar. daz er si uramba[r]. in/[iner]
 0,2 [scho]ne. uor a[nderen] [chin]donen.
 0,1 daz da[z] pa[nthera] Mammu[nde] [ist][.] [daz] [bez]eichent den *heiligen*
 [christ][.]
 0,2 daz er [mitewær] w[af] [in]d[e]n noten. [do] [in][die] [Juden] marteroten.
 0,1 Fur gūt er allez daz hete. daz si im getaten·
 0,2 dar nach uûr er zehelle· unde berōbet den tieuil mit alle.
 0,1 daz ez def dritten tages erwachet. unde fo sūzzen stanch lazzet.
 0,2 daz bezeichent abir got. wand er erwachot·
 0,3 also der entlassen ist uon wine. Suf rief er den finen·
 0,4 “Gehabet ivch wol mine holden· die werld^e han ich ubirwunden.
 0,5 ich won mit iv gerne. biz an daz ende der werlde.”
 0,1 Waz ist sūzzir. ode erlicher.
 0,2 dem smache unfires trohtines. des haltenden chriftes.
 0,1 die mit dem gelöben im bi sint. unde rehte wrchent· die sint finiv chint.
 0,2 die abir uerre sint durh ir brode. fo si sine stimme horent·
 0,3 fo werdent si eruullet. unde gelabet. uon dem sūzzem smache den si uon
 got habent.
 0,1 Wir schulen in sūchen· uolgen unde an rûffen·

- 0,2 alfo der uorfage ſpricht Daut: “trohtin diniv wort fint
 0,3 fūzzir inminem munde. danne honich unde flade deheine ftunde.”
 0,1 Och ſchulen wir inden bûchen· deida heizzent Cantica canticoꝝ fûchen.
 0,2 “Nach dem Stanche diner geſalbede löffen wir dir nach allenthalben.
 0,3 wande die iungen genote. dich minnoten.”
 0,4 da nach iſt geſchriben abere· “Ein chunich legite mich infine kamre.
 0,5 nu menden· unde wesen uro mit ime.”
 0,1 Nu gezimet unf wol nu wir. mit der heiligen töffe geiunget unde geniwet
 birn.
 0,2 zelöffen mit reinē gedanchen. nach dem fūzzem ſtanche.
 0,3 unde in gote. nach dem geſælbede finer gebote.
 0,4 daz er unf leite zeſiner phallzen. in die himiliſchen ierufalem.
 0,5 daz wir da ſin mendenti· immir an ende. AMEN.
 0,1 Och iſt ein tier heizzet Einhorn· uon dem zellet Phifiologuſ.
 0,2 daz ez inſiner ahte. habe fuſgetan geſlæhte.
 0,1 Ez iſt ein tier lutzil· gelich dem chitzze. ez iſt
 0,2 chûnezorn· und hat niwan ein horn.
 0,3 an dem hōbet den oren nahen· ane diſen liſt chan ez nieman geuahen·
 0,1 Man nimet eine maget· unde leittet ſi an die ſtat.
 0,2 dader einhurne emzlichen wiſet· n[a]ch der ſinen ſpife.
 0,3 die maget reine· læt man [da] ſiſzen eine.
 0,1 So ſi geſihit der einhurn. fo ſpringet er ir a[n] [ir] [barm][.]
 0,2 unde ſlæffet danne fo wirt erg[eua]ng[en].
 0,3 fo leittet [mā] in glanzze zedef chunigif phallzze.
 0,1 Alfo t[e]t [un]ſir trohtin der haltu[n]de chriſt. d[er] ein geiſtlich einhurn
 iſt.
 0,2 alſdaut ſpricht alſe. “er iſt min l[iebe]
 0,3 [alfo] deſ [einhurnen] [fun][.]” [unde] [ſpricht] [dannoch] [dar][zū]
 0,4 “Sin gewalt wirtgehohet· alfo daz horn deſ Einhurnen.”
 0,5 fo ſpricht ōch zachariaſ· in dem geſlahte Daudis·
 0,6 “irchuchet got der reine. daz horn unfirſ heileſ.”
 0,7 und indem bûche Detronomio· da ſtæt geſchriben fo·
 0,1 Moifeſ do er wihte. Joſebif geſlæhte.
 0,2 do ſprach er· “du min ſun erſter.
 0,3 Ain anſōne getan iſt. alfo deſ pharris·
 0,4 din horn getan iſt· alfo deſ tieres Rinocerotif.”
 0,1 daz er abir ein horn hat· unf daz bezeichinot·
 0,2 daz chriſt ſprach alfo her. “ich unde min uater.
 0,3 wirbirn ein.” chriſtes hōbit iſt got rein·
 0,1 Sin chûne div meinet. daz furſt noch andir gewalt deheine.
 0,2 noch herſchaft in uernemen mohten· noch div helle i[m] uor geſten dohte.
 0,1 daz er lutzil iſt unde gût· daz meinet div divmût·
 0,2 finer liphafte. alſ er geſprechen mohte.
 0,3 “Lirnet uon mir. wand ich ſenfte bin·
 0,4 an allen ſmerzen· und bin div mûtif herzen.”
 0,1 Got iſt fo chûne. daz der un=chūſtige tieuil·
 0,2 uernemen noch ergrunden mach· dei gotes tögen liphafte·

- 0,1 Mit dem willen finef uater. indie wamben chom er. der unberûrten
magede.
- 0,2 do wart daz wort zeuleifche getan alfus· unde wonet zegenaden in unf.
- 0,1 daz der einhurn ift gelich· einem chizze erlich·
- 0,2 daz bezeichint unfir Altære[.] also fprichet pauluf der gewære.
- 0,3 “Got wart gelich getan· dem bilde unfiref fundigen lichnam·
- 0,4 do uerdamnot er unfir funde. mit finef lichnamen wn=den.”
- 0,1 Noch ift ein andir tier. bi nilo dem wazzir.
- 0,2 unde heizzet ydrif· uon dem zelt phifiologuf·
- 0,3 daz ez mit uienscheffe def Nikhufe æhte. unde ift ditzze fin gwonlich
geflæhte.
- 0,1 So der ydrif daz Nikhuf· gefihet an dem ftade [s]uf·
- 0,2 fere flaffunde· mit *offenem* munde.
- 0,3 fo bewillet der ydrif fich. in dem hore liflichlich·
- 0,4 daz er wol *flieffen* mege. fo uert er *lebentich* uon ime.
- 0,1 d[az] [Nikhōs] bezeichinot· die helle und den tot.
- 0,2 und einen iegilichen uiant def altæref unferef trohtinef.
- 0,3 der nam an fich gereit· unfir mennifcheit·
- 0,4 unde für zehelle. zebrac die mit fchalle.
- 0,5 unde die fine dar inne w[arē][.] die leitot er uon danne *zware*.
- 0,1 Von de[n] t[ieren] [die] [da] [heizzent] [Sirenef] [un]de [Ono]centhauren.
- 0,2 [Elaiaf] [der] [uorfage][.] [fprichet] [da] [uon] unde faget.
- 0,3 “[Sirene] [vn]de [tiu]uale [screc][hen] [in] [ir] hōfen.”
- 0,4 uon der bilde phifiologuf zelt· unde fprichet daz fi totfurgiv tier fint.
- 0,1 Sifint uon dem hōbet unz den nabele· also wip gefchaffene.
- 0,2 danne un unz an die fūzze nidine. getan fam die uogele.
- 0,3 fi fingen[t] ein fanch heizzet Mufica· da mit befwichēt fi die fchefman·
- 0,1 So die uergen fi gehorent· ir finne fi dar cherent·
- 0,2 uon ir fūzzem fange entflaffent fi danne.
- 0,3 ifo uarent fi deitier an· unde e fi erwachen fo zebrechent fi fi gar.
- 0,1 Also werdent die befwichē· die mit werltlichem und mit tieuellichem·
- 0,2 zierden beuangen fint· unde die darzū befwæret fint·
- 0,3 mit dem flaffe ir mūtif· die fint geahtet dem rōbe def tiufulf·
- 0,1 Abir zelt phifiologuf· daz der Onocenthāruf.
- 0,2 hab zwei geflæhte. daz obir teil ift gelich einef mannef ahte.
- 0,3 daz nidir teil einem efil geli[ch]. und ift uil wildelich·
- 0,1 der Onocenthaurvs. bezeichint an unf.
- 0,2 uil broden mennifchen· die zunge zwiflifen·
- 0,3 die mit ubilen fiten· umbegant unde den wonent mite·
- 0,1 Si habent gūt bilede. an gūten werchē *fint* fi wilde.
- 0,2 also unf dauit chan leren· erfprichet “do der mennifche waf ineren·
- 0,3 done chunde er fich niht uerften· do warde er dem tumben uihe·
- 0,4 gegenmazzot ane wan· unde warde imgelich getan·”
- 0,1 Ein andir tier ich funden han· chriefken hezzet ez hīnam
- 0,2 danne ift in der alten .é. gefchriben “die hinam folt du niht zeliden·
- 0,3 noch ezzen ir geflæhte.” Efaiaf der uorfage fprichet rehte.
- 0,4 “div holde def tieres hine. daz ift min erbe.”
- 0,1 danne zelt phifiologuf· daz ez zwei geflæhte habe suf.

- 0,2 undirftunden ist ez der êr da nach div sí ein urift· da uon ez unreine ist.
 0,1 dem tiere gelich sint. div israhelischen chint·
 0,2 si bettoten zeerift· an got herift· darnach
 0,3 durch gluft unde durch hûr· ûbotē si dei apgotir.
 0,4 div hîna die gîr bezeichinot. fwer noch ûbet dirre werlde apgot·
 0,1 div fulica ist ein unreiner uogil· si ist zefrume niht zeloben·
 0,2 dem uogel der ist gelich. der enwedir ist gelöblich noch ungelöblich·
 0,3 also salomon gesprochen hat. “fwelch man ist zwiuilhaft·
 0,4 an sinet mûtif gedanchen· der ist unftæte an allen gûten werchen·”
 0,1 So ist ein tier ander· daz heizzet Onager.
 0,2 Von dem phisilog⁹ beginnet fagen· indem Merzzen an dem funf und
 zweinzigstem tage.
 0,3 so lût er zwelftunt. unde sam ofte inder naht.
 0,4 dauon bechennet man sint. daz ebennaht belöhtet ir funne unde wæt ir
 wint.
 0,1 der wilde efel· bezeichent den tieuel·
 0,2 wan do der tieuel weffe die aht· daz gebenot waren tage unde naht·
 0,3 unde div heideniske diet· indie uinstir geriet.
 0,4 unde sich zegote becherte. unde widir sinnet zedem warem liehte.
 0,5 daz christuf ist geheizzen· do lût der tieuil Agelaizze.
 0,6 beidiv tage unde naht· mit ubilicher chraft.
 0,7 unde fûchot sin mûf· daz er da ulof·
 0,8 do der mennisch der got waf zart· uon nôten erlôfet wart·
 0,1 Der wilde efel lût niht uil· wan so er ezzen wil·
 0,2 also der sælige Job chô d. “daz ist ane sache niht·
 0,3 daz der Onager lût·” Sanctuf pauluf unf chunt tût.
 0,4 “wachet wan der tieuil der da ist harte· ivr widir warte.
 0,5 uert umbe also der rohunde Lewe· fuchet wen er uerslichen mege.”
 0,1 div affinne. hat def tieuils bilede.
 0,2 si hat höbet und[e] zageles niht. uorne si schamlichen siht.
 0,3 si ist hinden uil wirf getan· do der tieuil het engilischen nam·
 0,4 inden choren himilischen· do het er höbet gewiff wiffē.
 0,5 wande er ein trugenære unde unchustich waf.
 0,6 daz höbet er do uerlos· def zageles warde er öch belost.
 0,1 Also er uon himele. uerstozzen wart her nidere.
 0,2 so wirt er noch uerdamnot. mit allen den die in uolgent·
 0,3 also sanctuf paul⁹ sprichet. “got sich an im richet.
 0,4 er flehet in durh wndir. mit dem geiste sinet mundif.”
 0,1 Ain tier heizzet helphant· phisiolog⁹ dauon zelt.
 0,2 daz ez an im habe michil furnunft. unde hat dehein hûrsgluft.
 0,1 So sin zit chumit. daz er wil gewinnen chint.
 0,2 so nimet er sin gemæchede life· unde uert zedem paradise.
 0,3 da uindet er eine wrzzen heizzet mandragora. dar get si fa·
 0,4 unde chort def chrötes. dar wifet si ir tröte.
 0,5 unde geschundet in daz er unwizzent. daz selbe chrut izzet·
 0,1 Sô gezzent der Mandragoren· so minnent si ein And^er.
 0,2 So si schol erwerfen· so uert si zeinem sewen·
 0,3 und erwirfet indaz wazzer. daz tût si durch den tra[chē].

0,4 der ir iungen· uáret anden stunden·
 0,5 der ir wirt. chumet uon ir niht.
 0,6 indem wazzir er ir hûtet· uor def drachen w^oten·
 0,1 der trache unde fin gemæchede. bezechint Adam unde Euen.
 0,2 di mit [eren]. indem paradiso waren·
 0,3 unde ubil nine weffen .e. fi gotef gebot bræchen·
 0,1 do daz wip gaz· daz obiz daz ir uerbotten waf.
 0,2 do gap siz ir manne. uerleitet wart er uon danne.
 0,1 Do wrden die unwise uer^ftozzen uz dem paradise.
 0,2 indife werlt alf ineinen michelen fe·
 0,3 div wazzir bezeichent dife. gagewrtige werlt· div durch ir gluft manichualt·
 0,4 unde uon def tieuelf list. also beuangen ist.
 0,1 dauit sprach mit gewal=te “herre tû mich gehalten.
 0,2 wan wazzir fint gegangen. an min fele mit gedrange.”
 0,3 unde sprichet abir “minē trohtin anbettot ich· unz er an^fch^owot mich·
 0,4 uon der grûbe miner wenicheite. unde uon dem horwe er mich leitte.”
 0,1 Von div fûr unfir trohtin· uon finef uatir barmed in·
 0,2 unde nam an sich unfir mennifcheite· unde leitot unf uon der grûbe unfir
 wenicheite·
 0,3 unde satzzete unfir fûzze· ubir einen stein fûzzen·
 0,4 ein niwiz fanch er unf lerte. daz gebet er fuf cherte.
 0,5 Pater nofter qui ef incelif· der stein daz ist chrift.
 0,1 Ich wil iv fagen welich def Elephantif· pein unde h^ot ist.
 0,2 fwa man fi prennet· elliv ubil uon danne uliehent·
 0,3 elliv uientlichiv dinch· uon def mennifchen herzze uliehunde fint.
 0,4 fwa gotef gebot unde fine minne· mit gûten werchen brinnet inne.
 0,1 Ein andir tier nenne ich iv fa· daz ist geheizzen Autula.
 0,2 ez ist chûne im mage nieman genahen· noch dehein iægir geuahen·
 0,1 Ich wæne er langiv horn trage. dei fint getan alf ein fage.
 0,2 dehein b^om so starch ist. der im widirften muge dehein urift·
 0,3 erne fage in abe. dei fchopfpûch hore wirz fagen.
 0,1 So daz selbe tier durftet· zeinem wazzir ez get·
 0,2 Evfrates ist ez genant· dar uz trinchet ez zehant·
 0,1 Indem wazzir reine· ist ma=nich gerte lange unde chleine.
 0,2 so fpilt div Autula. mit den gerten da·
 0,3 unz fi sich mit den gerten uorne bewin=det bi den hornen.
 0,4 daz fi uon danne niht chomen mach· so lût fi l^ote wan fihat ungemach·
 0,5 so der iægir daz uernimt· albalde er sich dar stilt.
 0,6 reht alf ein listich man· so slehet er die Autulam·
 0,1 Also tût der mennifch inder ahte· der gût ist unde durnæhte.
 0,2 ob im bispræche ist leit· unde uerbirt girfcheit·
 0,3 ûde hûrluft· unde andir achuft·
 0,4 so eben mendent imzerehte. alle himelische chrefte.
 0,1 dei zwei horn der Autule. bezeichent die niwen unde die alten .é.
 0,2 Mit dem wine solt du werden trunchen niht. hûrgluft dauon geschiht·
 0,3 hûten solt du dich· daz du indef tieuelf^ftrich·
 0,4 iht wellest gahen· daz er dich iht geuahe.
 0,1 der wife man enthalt die finne fine. uon ubirigem wine.

- 0,2 Rehte^z wip unde gû man sint ain. also ein winchillstein·
 0,3 inder chriftenheite. durch wip unde win ulivfet man den lip gereite.
 0,1 Ein andir tier ist iewa· indem mere hezzet ferra.
 0,2 daz felbe tier hat ubilen list. ez ist getan alf hie gemalet ist·
 0,1 So div ferra indem mere. dehein schef gefihet uliezzen here.
 0,2 so uert si dare. unde spreitet zagil unde uederen.
 0,3 daz si figelen mege engegen dem scheffe· also lange si umbe daz schepf
 wephet·
 0,4 daz si uor müde mage niht geuliezzen mere. fa uert si hin widere.
 0,1 daz mer die werlt bezeichinot. daz schef die wiffagen meinot.
 0,2 unde andir minef trohtinef boten. die dife werlde habent ubirwnden.
 0,1 Div ferra die bezeichent· die ze gûten dingen undirwilen sich becherent·
 0,2 unde dar an niht uolften megen· daz si mit anderen lōten heiligen·
 0,3 immir uol chomen. ze der himelischen Jerufalem·
 0,1 Ein bispel sprach got zelōten. pharisei heizzent sizedōte.
 0,2 “du viperen chunne nu sprich· wer bewifet dich·
 0,3 daz du mugeft enphlihen. dem zorne chunftigen·”
 0,1 Von der uiperen zelt unf· der meifter phifiolog⁹·
 0,2 So div vipera gehien fol· zu ir gemachede ist ir liep unde so wol
 0,3 daz si gint wite ander stunt· unde stozzet ir hōbet in finen munt·
 0,4 so bizzet er ir daz hōbet abe. so sterbet si ane chlage·
 0,5 dabi muget ir ivch wol uersten· waz ubil man mage erzivgen.
 0,1 So danne die iungen. gewahsent in der uiperen.
 0,2 so durch bizzent si ir die siten. so uarent si ōz. unde stirbet sie an den selben
 ziten.
 0,1 die pharisei gegenmazzen sint· der uiperen und ir chint.
 0,2 unfōbir sint si an ir werchen· und an allen gedanchē·
 0,3 Si erslügen ir uater den heiligen chrift. nu æhtent si der div ir mūtir ist·
 0,1 Indem ewangelio· stæt geschriben also.
 0,2 Ir fult wesen wizzich unde sit urūt· weset finnich so div natir tūt.
 0,1 Phifiologus faget· daz div natir driv geflæhte habe.
 0,2 Ir erste geflæhte ist so si eraltet. so gesiht si niht.
 0,3 so uafet si uierzich tage unde naht. unz si daz uel abe erlofet hat.
 0,4 so fūchet si denne. ein engiz *loc[h]* an einem steine.
 0,5 dar durch si slivffet. die oberen hōt si abe zivhet·
 0,6 so wirdet si zestet· widir geiunget.
 0,1 div porte ist enge. daz phat ist uil chleine.
 0,2 daz unf fol gereite· zedem ewigen libe leitten·
 0,1 der nateren daz ander geflæhte. fulen wir fuf betrahten·
 0,2 so div natir trichen wil· so spiet si daz eiter é uon ir.
 0,1 Wir schulen unf der nateren hie mit gelichen. so wir div heiligen wort
 wellentrichen·
 0,2 div unf sint geschriben unde gehundet. so schulen wir ōz spien die
 werltliche funde.
 0,1 Wir schulen unf reinen· uon suntlichem meine.
 0,2 unde schulen uil gedihte. mit wardivmūtiger bihte.
 0,3 in daz goteshuf gan· unde mit rechter riwe betten an.
 0,4 den barmherzzen got gûten. mit lōtirlichem mûte.

- 0,1 der nateren ist daz dritte geslæhte. so si den man sihet nachtet.
 0,2 so furhtet si in unde ulivhet drate. si æhtet abir sin so er ist in dem gewæte.
 0,1 da bi mugen wir uns uerstan· do unsir uater Adam
 0,2 nachtet waf indem paradise. done mohte in der ualant niht uerwifen·
 0,1 So man die nateren slahen wil· so nimit si den zagil
 0,2 unde tût in· ubir daz hōbit. unde læt sich andirfwa plivgen.
 0,1 Also schu[1]en wir tûn· swenne unsir uiant uns gant zû·
 0,2 unde uns erflahen wellen· so schulen wir mit unsirem lichnamen. daz hōbet
 beschirmen·
 0,3 wand unsir hōbet ist. der heilige chrift.
 0,1 Wir schulen unsir hōbet den heiligen chrift· beschermen zediv daz er andem
 iungift.
 0,2 mit gefundem hōbet beschirme· unde daz wir zeder ewigen genze geladet
 werden·
 0,1 Ein wrm heizzet Lacerta. egedehsa.
 0,2 uil schone ist si fuf· uon der zelt phisiologus·
 0,1 So div lacerta eraltet· an beiden ōgen si erblindet·
 0,2 daz si die sunne niht mage gesehen. so hilfet si sus ir selber.
 0,1 Zû einer wende si get. div oftet ist gecheret·
 0,2 ein loch sūchet si mit finnen. engegen dem sunnen·
 0,3 daz hōbet si da durch dwirt. unz si widir gesehent wirt.
 0,1 Also sol der mennisch tûn. der an im hat die alten fundon·
 0,2 unde dem siner herzzen ōgen. betunchelt sint tōgen.
 0,3 so schol er mit rûche. ein furnunftige stat sūchen·
 0,4 und sol zû chrift cheren· der ein sunne ist aller eren·
 0,5 unde ein lieht alles rehtes· des nam heizzet Oriens·
 0,6 und bitten in daz er unsir herzze erlōhte. der ein sunne ist aller reinen lōte.
 0,7 unde uns eroffene sine genade. der alle die chan geladen·
 0,8 die indirre werlde. des himelriches wirdich werden.
 0,1 In dem salter lesen wir. daz der hirz uil harte des wazzirf ger.
 0,2 Zwei geslæhte an dem hirzze sint· so der hirz den slangen sihet.
 0,3 indem hol da erligit. so blæfet er dar in unde tribet·
 0,4 her uz den slan[gen] ōf den half trittet er im danne·
 0,5 er uerflindet in schiere. so ilet er zû dem lōterem wazzere.
 0,6 unde spiet daz eitir gar. da uerwirfet er horn unde har.
 0,1 der hirz hat der bilde· die sich erchennent ir funde.
 0,2 die zûdem brunne ilent schiere. der heiligen lere.
 0,3 unde bûzzent si lise. so div heilige schrift si wol chan bewisen.
 0,1 Einandir geslæhte der hirz habet· swa er den slangen uindet.
 0,2 da slehet er in unde get ōf die berge sa· unde weidenot er da.
 0,1 So schulen wir tûn so wir uns uerstan·
 0,2 daz uns der tieuel bechoren welle· soneuolgem im niht zû der helle.
 0,3 unde uliehen zû chrift· der unsir schirmære ist·
 0,4 unde sūchen an in snelle. die fûre unsir sele.
 0,1 Ein tier heizzet dorcon steingeiz. uon dem zelt phisiologus·
 0,2 div minnet hohe berge. in den teleren weidemet si gerne.
 0,3 Ez ist ein tivriz tier. ez bewart sich wol unde schier.
 0,1 da si ōf den bergen gent. unde si div lōte in dem tale gesehent·

- 0,2 fo bechennēt fi wol ob ez fint iægir lõte oder niht.
 0,1 Alfo tût unfir trohtin· der herre unde uatir wol mage fin·
 0,2 er minnet hohe berge. daz fint ware patriarche.
 0,3 prophete und apostoli. und andir heiligin.
 0,1 Vnfir trohtin ist div Caprea· div inder heiligen chriftenheite weidenot da.
 0,2 alle tage unde hivte. mit den werchen gûtir lõte·
 0,3 alf er indem ewangelio chõt. “zeezzen gæbe du mir do mich ungirot.”
 0,1 div telir div inden bergen fint. die heiligen chriftenheit fi bezeichent·
 0,2 div inmilichen steten ist· div Caprea fo heitirer õgen ist.
 0,3 daz fi die iægir uerre sehen mach. daz bezeichent unfiren herren den lichten
 tach·
 0,4 also div schrift chut. aller gewizzende ist er ein got·
 0,5 uon im ist abir fuß geschriben· er ist hoch und fihet nidir.
 0,1 der wife rihtære. fihet fine geschephede gare.
 0,2 die er nach finem bilde geschûf. er rihtet und beschirmet fi genûch·
 0,3 uil gewærlich en. uon def tieuelf strichen·
 0,1 Er heizzet unf fûchē die berge· daz wir mit bosē gedanchen iht betrûbet
 werden.
 0,2 er meinet die heiligen schrift. da megen wir anfehen waz unferem schepær
 liep ode leit ist.
 0,1 Alfo div Caprea den iægir fihet uerre. also fach unfir herre.
 0,2 Judam der in uerschõfte· finen iungeren er bedõte·
 0,3 “ivr einer uerschõffet mich·” und sprach “Juda nu sich.
 0,4 mit einem chuffen dir ane urum. fo uerschõffest du def mennifchen fun.”
 0,1 div uohe ist unchustich· ein tier ubilliftich·
 0,2 So fi hungiren beginnet. unde fi zezzen niht mage gewinnen.
 0,3 fo bewillet fi sich in der roten erde. unde liget fur tot unwerde.
 0,1 So die ungewaren uogele. fisehent sam tote ligene·
 0,2 fo uliegent fi dar. unde sitzēt õf fi fa·
 0,3 div uohe fi danne uæhet. zezzen fi ir gahet.
 0,1 Alfo tût der tieuil und alle irrære. die der uohen bilde habent zware·
 0,2 fo tûnt alle die werltlichen lebent· in den tot fi strebent.
 0,3 fwie uiantlichen fi in selben leben· doch enphliehint fi niht def tieuils chelen·
 0,4 alle die mit bosir achuft lebent. unde nah tiuell[i]chen werchen strebent.
 0,5 die hat der tieuil ubirgint. wande fi sin áf fint.
 0,6 daz ist in ein groz michil not· mit imwerdent fi gewizzenot.
 0,1 Suf sprichet der uorfage gûte. “minen lip inuppich fi fûhten.
 0,2 fi schulen uaren indie erde. zegewalte i[r] [uian]den gegeben fi werdent·
 0,3 wande fi mit der funden meil. an in habent uohen teil·
 0,4 der himilische chunich wil abir menden. die finē mit den engelen·”
 0,1 Abir ist ein andir tier. daz heizzet Caſto^r piber.
 0,2 ez ist uil milte. unde darzû fenfte.
 0,3 Sine geil ist nuzze unde gû. ze erzenie man fi tût.
 0,1 Phifiologuf uon finem geslæhte faget. er sprichet fo der piber fihet daz man
 in iaget.
 0,2 unde er enphliehen nine mage. fo bizzet er sin gæmæht abe.
 0,3 zehant uliv=het er. So nimet der iægir. die gemæht unde iaget niht mere.

- 0,4 fo man abir daz selbe tiere. iagit unde ez niht enphliehen mach· fo læt ez den iægir fehen daz ez der maht nine hat.
- 0,5 fo ne iaget er. ez niht mer.
- 0,1 So schulen alle die gebaren· die mit got w[ell]ent uarē.
- 0,2 fi schulen fniden abe in selben· alle achu^{ft} ir herzzen.
- 0,3 unde ir lichnamen. unde werfen fiden tieuil an
- 0,4 der fi zallenziten iaget. fo lebet fi mit g[ot] also dei bûch fagent·
- 0,1 Vnf manet sanct⁹ paulus. unde sprichet fus.
- 0,2 “gebet aller mannechlich· daz ir im schult daz lobe ich·
- 0,3 dem ir den zinf schult dem gebet *den*· eret den ir schult eren.
- 0,4 erfullet daz g[e]bot da[z] ir got schult daz gebet got.
- 0,1 Aller tiuellichen werche ivch uerzihet· zegot ivch cheret·
- 0,2 mit allen finnen. ir gebet im ere unde minne.
- 0,3 alf ivrem uater. daz wir mit finer helfe.
- 0,4 def tieuelef zinfes erlofet werden· unde geiftlichiv w^ochir gewinnen of dirre erd^e.
- 0,5 daz wir uon gû^taten fuzzen· wne mit got haben mü^zzen.”
- 116a,1 Phisiolog⁹ faget. daz div Ameizze driv geflæhte habet.
- 116a,2 daz ift ir erfte geflæhte. fo fi gant oz ir nefte.
- 116a,3 fo gent fi alle in antreite. unde tragent chorn unde andir getraide.
- 116a,4 ift daz in uor ir loche andir Ameizze begegenent. fwie fi itel gen def chornes fi in niht nement.
- 117a,1 Sone taten niht die funf magede. die def olef niht habeten·
- 117a,2 also chom der brötgōm· die tumben maget sp^achē im
- 117a,3 zū. den mageden wifen· “gebet unf ivres olef also life·
- 117a,4 unfiriv lieht erloschen sint·” doch gaben fi infin niht.
- 118a,1 do der brötgōm chom· do leitot man die wifen in.
- 118a,2 unde lie die tumben· niht dar in dar undir.
- 119a,1 daz andir geflæhte. der Ameizzen merchet rehte.
- 119a,2 So fi ir chorn zesamen bringēt. gelich enzwei fi ez teilent.
- 119a,3 daz ez uor fuhte niht *erchime* noch indem wintir hungerftot iht belibe.
- 120a,1 [A][l]fo fol der mennische tūn· er fol die schrift *alt[er][.] é[.] teilon*·
- 120a,2 daz er zerehte wizze die gewarheit· geiftlicher unde werltlicher gewonheit·
- 120a,3 geiftlichiv dinch fol er da uon. uon werltlichen fundiron·
- 120a,4 daz er andem fūnstage. die uerdamenunge iht uerdienet habe·
- 121a,1 Sanctuf pauluf sprichet “ewa fi ift geiftlich· fi ift niht ueleifchlich.”
- 121a,2 abir chūt er “fwer die ewa nach den bûchen uernimt. den selben fi erfleht·
- 121a,3 fwer fi geiftlichen uernimt. fi erchuchet in wande fi im wol zimit.”
- 122a,1 die wenigen Juden dahten an die schrift. fi uernamen fi gotlichen niht·
- 122a,2 uon div chrōzzeten fi ir herrē. den waltunden chrift der eren.
- 122a,3 dannan werdēt fi uerlorn. uon ir tumpheit uluren fi daz chorn.

- 123a,1 du gotef man nim dine gerten. fchone du fi fchinte.
 123a,2 also Jacob tet· indaz wazzir lege fi gezelt.
 123a,3 daz diniv fchaf geiftlich w^ochir bringen· unde dem werltlichen entrinnen.
- 124a,1 Vernemet geiftlichiv löte difiv dinch. die abir ungelöblich fint.
 124a,2 furnamef die nemegen· ez rehte uernemen·
- 125a,1 Nu horet abir zerehte. der Ameizzen geflæhte·
 125a,2 So fi indem arne an den achir gat. fo smeचित fi wa div gerfte stat.
 125a,3 hin unde her fi finnet. unz fi den weizze uindet.
 125a,4 fo uert fi öf den halm enbor. unde nimit und treit zeloche daz chorn.
- 126a,1 Gerfta ift tumbef uihel fure. güt man fol die gerften niht ruren.
 126a,2 wan fi bezeichent tumbir löte lere· uon den ulivfet maniger die fele.
- 127a,1 Man fol miden die lere· die gezelt habent dife irrære.
 127a,2 Arriuf. Sabellius. Marcedoni⁹. Maniche⁹.
 127a,3 Nouicianvs. Montanus. Valentin⁹. Bafiles. Macedonius. Fortinus.
 127a,4 Vnde andir irrære. wande unreht waf ir lere.
 127a,5 ir lere div waf lugelich· unde ift widirwartich·
 127a,6 rehtir warheite. ich meine die waren gotheite.
- 128a,1 Phifiolog⁹ zelt uon dem Igele. er fpricht dorne habe er an ime.
 128a,2 darzü ubil getan harte. der get indie wingarten·
 128a,3 unde ftiget öf ein rebe· dar an ift uil der bere.
 128a,4 her abe er div ber fchuttit. fo gat er abe biz er dei ber ubirwalget.
 128a,5 die do[rn]e fullet er zeftunde unde treit fi finene iungen.
- 129a,1 der igil bezeichent den tivuil harte. der man fol finen wingarten·
 129a,2 daz geiftlichiv w^ocher fint behüten· daz in werltlich achuft iht behefte·
 129a,3 daz der dornige tiufil iht uerfüche. finiv geiftlich^v w^ochir.
 129a,4 noch finen wingarten iht uinde. itel uon upigen din[ge]n·
- 130a,1 In dem zehengiftem falme fchulen wir nemen war. daz def mannes iugent
 fich iteniwe fam def Arn.
 130a,2 Ez zelt phifiologus· def Aren geflæhte fus.
 130a,3 So der Ar alt wirdet. fo fwærent im die uederen dei ögen im tunchelent.
 130a,4 So fuchet er an den ftunden· einen chochen brunnen.
 130a,5 unde ulivget uon dem brunnen. öf zü dem funnen.
 130a,6 da brennet er fine uedere. inden brun=ne uellet er nidere.
 130a,7 der im da zü ift worden chunt. daz tüt er danne diritenftunt.
 130a,8 fo wirt er geiunget· unde dar nach gefehent.
- 131a,1 Also fol der mennich fich ahten· er fi Jude oder unfir herren geflæhte.
 131a,2 der die alten funde treit tögen· unde dem betunchilt fint finer herzen ögen.
 131a,3 der denche wie min trohtin sprach. “Nieman der mach.
 131a,4 zegotefriche chomen· er enwerde zwir geborn.

- 131a,5 werltlichen unde geiftlichen. daz ist inder heiligen töffe.”
 131a,6 So er wirt getöffet also der Are ist er geiunget.
- 132a,1 Von dem Aren sprichet fus. sanctus Augustin?
 132a,2 “So der Ar alt wirt. der obir snabil im wæhfit.
 132a,3 unde wirt im also lanch. daz er niht gezen mach.
- 133a,1 So uert er zeeinem steine. den snabil brichet er abe chleine.
 133a,2 unde izzet danne wenich ode uil. so lange also got wil.”
- 134a,1 So unfir funte unf ubirwahsent. die des Aren snabil bezeichent.
 134a,2 so schulen wir fuchen den stein. den heiligen christ rein.
 134a,3 daz er unfir funde an unf iht fuche. unde niwe unf mit der heiligen töffe.
 134a,4 daz wir daz heilige wizzot. nemen so wir ligen tot.
- 135a,1 Ieronim? zelt. so der Ar wirdet alt.
 135a,2 so ulivget er an der. stunt. of inden luft.
 135a,3 sine geuider er brennet. in sin nest er wider uellet.
 135a,4 sine iungen in ziehent. unz er uedir al é gewinnet.
- 136a,1 So schulen wir gebrennet werden aller meiste. mit den genaden des
 heiligen gegeistes.
 136a,2 daz unfir funde müzen dorren. unz wir ewichlichen geiteniwet werden.
- 137a,1 Indem uorgezaltem salme sprichet dauid. “ich bin dem sifegom gelich.
 137a,2 der in der eide ist.” Physiolog? da uon lifet.
 137a,3 daz der sifegom sine iungen. uil harte minne.
- 138a,1 So die iungen gewahsent. der alte unde ir mûter si erbizzent.
 138a,2 da widir si strent. unz si die iungen erbizzent.
- 139a,1 Andem dritten tage. so brichet die mûter ir siten mit grozzir chlage.
 139a,2 daz blût læt si löffen an der stunt. ubir dei iungen sa werdent si gefunt.
- 140a,1 Der uorsage efaiaf. uon got an einem briue laf.
 140a,2 chint gebir unde zoch ich. die uermanten mich.
- 141a,1 Vnf geschuf unfir trohtin. do wir niht enwarin.
 141a,2 leidir da widir wir in slügen. undir siniv ogen.
- 142a,1 Vndir siniv ogen wir in slügen. do wir mere dienstes zu trügen.
 142a,2 dem daz er het geschaffen. danne im selbem.
- 143a,1 do warde er durch unf gemartiroet. unde mit dem heiligen blût.
 143a,2 daz uon finer siten wart geleitet. da mit wrden wir erchuchet unde geheilet.
- 144a,1 In dem selben salme abir chwit. der herre dauid.
 144a,2 “Ich bin getan. also der nahtram.

- 144a,3 der durh finen argen list. in eingahziger seleden ist.”
- 145a,1 der nahtram die Juden bezeichent wan er ist ein uogil unreiner.
145a,2 er minnet die uinfter mere danne daz licht. da uon er die Juden bezeichnenet.
- 146a,1 do chriſt wart geborn. den Juden wart an in zorn.
146a,2 si sprachen mit ureife. “wirne haben niht chunich niwan cheifer.
146a,3 wir enwizzen wer dirre ist.” da betröch si def tiuuelſ list.
146a,4 gotef erchanden si niht. die uinfter minnoten si fur daz licht.
- 147a,1 Do chert sich got zeden heiden. die erlōhtot er reine.
147a,2 uon dem se[l]bem livte. sprichet der uorfage. uon got zedöte.
147a,3 “der livt def ich niht erchande. der dienet mir ane wandil.”
147a,4 abir sprichet unsir trohtin. “min uolch ist *nu* niht min.
147a,5 der mir e waf liep. def erchenne [ich] niht.”
- 148a,1 Suf ist uon den Juden geschriben. fromidiv chint lügen mir.
148a,2 def rehten weg si irre wrden. uon ir fundelichen burde.
- 149a,1 Ein uogil heizzet fulica. und ist furnunſtich ſa·
149a,2 unde ist uerre wizzigir. danne uogil andir.
- 150a,1 div fulica izzet niht uleiſches. ſine ulivget noch irret nieman niht·
150a,2 si ist gerne an einer ſtāt. unde be trait sich da fwie si mach.
- 151a,1 Dauid sprach “daz hōf der fulice. bezeichent der gelōbe.
151a,2 der glōbige man. fol niht irre nach der lere uarn.
151a,3 unde fol niht harte ſin=nen. nach werltlichen dingen·
151a,4 also die uogil tūnt. die daz uleiſch ezzent.”
- 152a,1 Er fol wesen gereite. indem hōfe der heiligen chriſtenheite.
152a,2 daz da gefuret werde. unz an ſin ende.
152a,3 niht eingernote. mit dem brote.
152a,4 fundir mit der gotef lere. und mit ewigir füre.
- 153a,1 Ein uogil heizzet perdix rebhūn ungetriwelich chan *ez* tūn.
153a,2 also der uorfage Jeremiaſ sprichet. “perdix div rūffet.
153a,3 unde ſamnet die gar. die si nie gebar.”
- 154a,1 So div halpzogen ſint. dei si gefamnet habet.
154a,2 zeuerlazzen si in gefchiht· wan si zeungift hatt an in niht.
- 155a,1 Phisiolog⁹ zelt daz perdix. si uil unchuſtich.
155a,2 einem andir rephūn ez ſiniv eier ſtilt. unz ez si öz gebrütet.
- 156a,1 So die iungen öz gen beginnent. unde uernement der eroren mūtir ſtimme.
156a,2 uon der unrehten si uliehent. der rehten si nach ziehent·
156a,3 fohat si gereite. uerlor[n] ir arbeite.

- 157a,1 der unchuftich tivuil also tet. do er dem almæhtigen got.
 157a,2 die gefchaft enphromeden wolte. die got nach im geschaffen hete.
 157a,3 do befweich er fumeliche. die niht heten gewizzen geiftliche.
 157a,4 unde brütet fi im zelufte mit manegen achuften.
- 158a,1 do abir die uerworhten gotef lere gehorten.
 158a,2 do cherten fi widir genote. zeir uorderon hinze got.
 158a,3 unde zû der heiligen chriftenheit. ewige uröde funden fi do bereit.
 158a,4 der tivuil het do gar uerlorn. fin arbeit an den die er im het erchorn.
- 159a,1 Ditzze tier heizzet ftröz. Afida nennet ez sich chriefschin öz.
 159a,2 Suf sprichet Jeremiaf. der ein uorfage waf.
 159a,3 “Afida bechint. an dem himil ir zit.”
- 160a,1 Phifiolog⁹ sprichet an einem brieue. daz ez uogil fi unde nine uliege.
 160a,2 Sine füzze fint getan allen ende. fam der Olbenden.
 160a,3 die walhe heizzent ez Camelum. daz habē wir also uernomen.
- 161a,1 So der ftröz finiv eier legen fol. an dem gestirne fihet erz wol.
 161a,2 fo wa[rt]et er andem himile. der fterne die da heizzent Virgilie.
 161a,3 finiv eier leget er ander ftunt. dife fterne fihet man fo div chorn. blünt.
 161a,4 unde fo michil hitzze ift. fo grebet der ftröz div eier in den mift.
 161a,5 fo bedechet er fi danne mit dē fände.
- 162a,1 So fi danne chumet her widere. fo hat fi uergezzen der eiere.
 162a,2 unde chumet dar wider niht me=re. agezzil ift er fere.
 162a,3 dar nach leget fi dei eier indie hitzze. unde brütet fi öz ander funne mit witzze.
- 163a,1 Abir mere unf mânt. daz wir mennifchen fin bechant.
 163a,2 unfir zit fchulen wir bechennen. unfiref *be[rz]en* ögen cheren zegot etwenne.
 163a,3 daz wir *zeubil* haben getan def fchulen wir uergezzene unde miden fa.
- 164a,1 Min trohtin sprichet fo. an dem ewangelio.
 164a,2 “Swer finen uater ode fine mütir. fine fwefter ode finen brüdir.
 164a,3 finen Oheim ode finiv chint. mere danne mich minnit.
 164a,4 dem fage fur war ich. der ift min niht wirdich.”
 164a,5 Ewa gebivtet fere. daz man uater unde mütir ere.
- 165a,1 Phifiolog⁹ wil unf chunt tûn. umbe den witehophun.
 165a,2 div ögen uergent ir fo fi wirt alt. zefehen hat fi deheinen gewalt.
- 166a,1 So die iungen werdent def gewar. daz ir mütir fcheidet uon dem gefehen gar.
 166a,2 dei ögen fi ir falbent. unde brütent fi unze fi gefehent wirdet.

- 167a,1 Ach leidir welhif müteſ die ſint. die ir uorderon ſo niht erent.
 167a,2 ſo ſi zerehte tûn folden. ob ſi ez tûn wolden.
- 168a,1 Ein bûch heizzet Caradri⁹. in dem bûche Deutronomio ſtat geſchriben fuſ.
 168a,2 daz er niht ſi reine. deheinem mænnifchem zeezzene.
- 169a,1 Phifiolog⁹ zelt uon im daz er aller wiz ſi.
 169a,2 Sinē miſt den er uon im tût. der iſt zetunchelen ögen gût.
- 170a,1 Mit diſem uogil mage man bechennen· ob der ſieche man ſterben. ode
 geneſen welle.
 170a,2 Ober wil ſterbin ſo [cheret] ſich Caradri⁹ uon im·
- 171a,1 Iſt daz er geneſen fol. ſo chert ſich der uogil. zû dem manne unde tût. ſinen
 ſnabil
 171a,2 in deſ manneſ munt. unde nimet deſ manne[ſ] unchraft an in. ſa uert er
 [öf] [zû] der funne ſchin.
 171a,3 unde lō teret ſich da. ſo iſt der ma[n] geneſen ſa.
- 172a,1 Von im ſelbem ſprach chriſt. “der chunich der dirre werlde furſt iſt·
 172a,2 daz gelöbet ir. der uant niht an mir.”
- 173a,1 dazze chriſt neuant der tieuel. niht ane zwiuel·
 173a,2 an im uande er niht funden. honchuft uande er niht infinē munde.
- 174a,1 Er chom zû den ſiechen Judin. do chert er ſich uon in.
 174a,2 er cherte zû unfiren uorderen. unfir unchraft wolde er an ſich nemē.
 174a,3 unde unfir funde. durch unf gewan er deſ chruzzel chunde.
- 175a,1 darnach fûr er zehimele. die mennifcheit lie er hie nidene.
 175a,2 Er fur zefinem eigē. die ſinen enphiengen in mit urōden niht mit leide.
 175a,3 den gehiez er ſint. daz ſi wæren gotel chint.
- 176a,1 den daz unbilden welle. daz man chriſten zû tieren zelle.
 176a,2 zetrachen unde zeLewen. zeden Aren unde ze den anderen tieren.
 176a,3 den ſi daz beſcheidet. ſo man gutiv dinch meinet.
 176a,4 den heiligen chriſt ſi bezeichent. ſo ſi ubiliv dinch unde ſtarchiv meinent.
 176a,5 ſo bezeichent ſi ane zwifel. den uil ubilen tieuel.
- 177a,1 Fenix ein uogil heizzet. got ſelbe ſich dem gelichet.
 177a,2 wan er ſpricht ſo in dem ewangelio.
 177a,3 “Ich han gewalt minen lip zelazzenē. unde widir zenemene.
 177a,4 andir nieman hat ubir mich gewalt.” die Juden waren im erbolgen umbe
 diſiv wort.
- 178a,1 Von diſem uogil ſpricht ſuf. der meiſter phifiologuſ.
 178a,2 der uogil hat gewont ubir ein lant· India iſt ez genant.
 178a,3 ſo er funfhundirt iar alt wirt. ineinē walt heizzet Libanuſ er uert

- 178a,4 unde fullet sine fedrach beidiv. mit der bimentoniv.
178a,5 div in dem walde ist. er machet im uon der bimenton ein nest.
178a,6 ein michil teil holzzef er famenet. daz er dar undir leget.
178a,7 er uert an den stunden. ǒf zû der funnen.
178a,8 er nimit daz holz daz uivr in danne brennet. in sin nest er danne slivffet.
178a,9 dar inne uerbrinnet er mit smerzzen. daz gefchiht in dem merzzen.
- 179a,1 dar nach wirt er zeafchen. indem tage ersten.
179a,2 wirt er zeeinem wrme. def anderen tages zeeiner stunde.
179a,3 wirt er zeinem uogele. def dritten tages wirt er alf er é waf zelo=bene.
- 180a,1 dirre uogil bezeichent. chriſt def uedrach sint.
180a,2 uol mit fûzzem smache. uon niwer unde alter .é. gemachet.
180a,3 wol gelert ist er. indem himilriche ein meifter.
180a,4 niwe unde alten .e. er ûbet. uaterlichen er unfir hûtet.
180a,5 def si gefeit lop und genade. unferem herren got AMeN. AM̃.